

第一百三十八冊

卷二百六十一

釋道傳三

卷二百六十二

釋道傳四

新纂雲南通志

盧漢題

纂



新纂雲南通志


卷之六

志

六

六

新纂雲南通志



新纂雲南通志卷二百六十一目錄

釋道傳三

臨安府

明

趙雲峯

笑和尚

姚成

風搖頭

祥雲

廣度

洪度

碧潭

王盤

溫成

衍成

法建

慧心

無窮和尚

楊善哉

桂輪

清

鄭顛仙

沈萬松

合一

趙紫震

普勻

圓旭

劉可成

向聯第

闕廷選

張紫霞

李金階

親義

王遴賓

張贍

海鼇

石隱

融輝

萬肅

楚雄府

唐

王載元

張明
享

李阿召

元

李賢

源空

連精

慶禪師

明

宗璵

正玉

性壽

清宣

闍和尙

赤脚

祖復

周暉

佛圓

楊濟丹

清

讀體

蔡懌

眞蘊

明轉

澂江府

唐

富畔

明

默然

李熹吾

清

清濟

王褒華

黃天順

鐵道人

王靜明

普利

性紳

誨宜

寂源

楊拜颺

廣術

段泰利

順寧府

明

劉氏女

阿約提雅

清

洪鑑

明通

廣師

寂粲

映月

淨脈

曲靖府

唐

阿闍梨

明

鏡中長老

如滿

西街僧

清虛

道蓮

發光

本智

眞澄

九庵

海量

惟敬

洪上

普勒

福建僧

鄭白齋

清

知止

洪中

性香

普猷

古山

大千

涂道人 海航 太空 單道人 唐道人 智徧

海汶 祖燕 普佑 雲嶽 寂六 厂夫

李青溪 羅漢 足岳 元位 活神仙 陳大仙

照元 覺海

魏

大空

單人

警告

卷四

謝承

222

1000

新纂雲南通志卷二百六十一

釋道傳三

臨安府

明

趙雲峯河西人幼牧牛於山遇異人授以奇術能制龍永樂間九頭龍作孽宮殿震動召天下名僧異人驅治雲峯應召厭制之勅賜佛冠袈裟雲峯收龍而歸安之茶山之麓即今九龍池也

河西縣志

笑和尚宣德間自江南來嘗峩見巽峯山靈異遂居之一日大笑坐

化其徒遂塔於山

臨安府志

姚成郡人少孤性磊落不喜章句慨然慕沖舉術人勸之娶不應俄遇異人飲以酒香氣馥郁仰觀天表若有所見遂能言風雨陰晴及

休各事雜以滑稽人咸異焉手搴一芭蕉葉四時皆有青色又晨起

戲爲人致書燕邸比暮果持手札歸居無何失其所在

康熙志

風搖頭姓名無考宏治間至石屏敝廬垢席坐臥不常狂呼嫚語人不能測有問者輒搖頭人因呼之風搖頭一日湖內有船欲覆乃以手作扶掖狀遂得濟比登岸跡之不知所在

康熙志

祥雲嘉靖間赤脚披破衲一鉢隨身寓石屏九天觀三年足不履戶

外明晰宗旨預知人至設齋蔬候之後歸南海

臨安府志

廣度俗名曾倬建水人嘉靖甲子舉人任瀘溪令棄官歸號卓然子

閱釋典有省遂祝髮住香林水月兩寺萬曆間遊義眉普陀諸勝至

杭聞蓮池主法席往依之從前凝滯渙然冰釋辭歸道出瀘溪邑人

以舊令挽留居數日云逝期至矣及期別衆而化

臨安府志

洪度俗名李宗望建水人萬曆戊午舉人任原武令尋歸祝髮於高
嶢之太史祠遷住天目山化日其徒問曰師今西歸有何偈度曰我

自念佛於爾何與遂寂

臨安府志

碧潭萬曆間遊石屏萬壽宮說經如流久之默坐生慧光三日命徒

沐身趺坐而逝

臨安府志

王盤通海人日與羣兒嬉戲元夜以一竹竿令羣兒閉目騎之風聲

盈耳至一大郡銀花火樹駭人心日夜半歸謂之曰適往江南觀燈

耳

康熙志

溫成號大機魯人也出家清苦參禪見性居臨安指林寺道化昭彰

年百二十歲無疾坐化

演繹紀

衍成號鐵船居臨安接待寺端精戒律深悟教乘世壽八十二而寂

偈曰鐵船坐苦海蝦蟇上樹枝若能悟此理便是出塵時

漢釋紀

法建號悟機戒行精嚴通教旨能詩文正德間居石屏諸天寺沐浴

坐化

漢釋紀

慧心號妙空通海人姓馬氏初母氏夢遊寺持金像歸覺而孕二七月乃生幼慧父早逝採薪織履供母途中拾遺金百兩償其主而還之母有疾割股療之母歿廬墓側每感異徵後之秀山湧金寺禮智曉和尚祝髮唯拜法華爲業感圓通得定七日方起即發言中理衆莫不驚異自是道聲嘖嘖矣去縣數百里曰東華山有湫窟龍甚獯暴慧心服孽龍遂建寺又於雞足盤龍二處飯僧數盈二億暮年遊筇竹樂其地清幽乃重修之後示寂召門徒囑後事畢坐化世壽六十五僧行四十奉全身於塔

漢釋紀

無窮和尚嘗我蔡氏子生不茹葷甫離襁褓便知跌坐長而出家落

髮遍歷名山開壇說法化於武定之獅山

雍正志

楊善哉崇禎時寓三泊雲龍山一佛殿傍居常裸體或數日不食或

一日數食喜看書冬月浴澗中夏則圍爐人問道輒曰善哉善哉故

人以名之居三載遊郡城普庵寺先日云將歸去次日遂寂

康熙志

桂輪河西人初不知書後遊京都受三昧法頓悟精解內典崇禎間

爲皇壇都講衍大乘經賜紫衣鉢杖號毘尼和尚年八十餘無疾而

逝

雍正志

清

鄭顛仙通海人常以風顛混俗一日屍解人見其往武當山云

臨安府志

沈萬松通海人爲僧不禁葷酒一日召相好者作別云我今奉辭爲

拈一偈萬松和尚一生顛狂生不檢點死不著牀合掌而逝後有人

見於華山下

臨安府志

合一建水諸生幼赴省試遇相者指以修道可免於難從之祝髮雲龍山歲丁亥城破得不死戒律精嚴與耆年何其偉楊中原輩爲方

外友

臨安府志

趙紫霞不知何許人憩於河西小街文昌宮與向士等遊言語清妙

容止脫俗衆爭饗之居月餘紫霞用鐵器置香爐中成銀辦肉食酬

焉即行衆送之撫向之腹曰此外肉也衆求再會示以期及去回顧

壁上有詩墨跡未乾其末句曰惟有陳園老樹精方知我是神仙過

衆如期恭候有僧來自云尋師趙紫霞到此衆留之不得初陳家園

有怪頗爲祟是後即止方知其爲神仙云

河西縣志

普勻字平若尋甸洪氏子七歲祝髮於鍾靈山篤志參持弘開律學
主席本山三十餘年康熙辛未冬遊錫臨安大乘寺傳戒之次乃召
衆曰吾今不待衆當精勤遂受衣盃囑畢喝一喝偈曰當陽一喝出
凡塵任運逍遙撒手行分付精勤三學者人天相外覓無生素茶一
盃飲竟而化

演釋
紀

圓旭號萬松通海人宇內名勝遊歷幾週徧叩知識師匠而宗教咸
通崇禎間返滇居筇竹寺行止自如狀類癲瘋時入酒樓飯肆或歌
或舞旁若無人或衣婦女服遨遊市廛了不爲媿一坐數日風雨寒
暑不避人莫能測焉一朝遍辭親友還山沐浴禮佛竟告衆作別衆
猶未然遂跣趺嚴坐索筆書偈而逝偈曰萬松和尚瘋癲模樣昨日
街頭今朝回向

滇釋
紀

劉可成甯州人年三十隱華蓋山石塚旁僅容膝能前知禍福多隱語使人自悟有以非義物進者輒呵拒之晚年辟穀日飲酒雖履霜臥雪無寒色年七十鬚髯復長齒落更生一日書偈云亥時閉子時開七十餘年去復來遂坐化越七日香軟如生

雍正志

向聯第甯州諸生棄舉業遊華蓋山遇劉可成與語有悟遂顛狂無狀家人以銀鐺繫之暗室數年後遂能言百里外事如目擊然人有病以灰土及茅簷水嘯之即愈嘗言吾九九飛昇果於康熙甲午九月九日一嘯而逝是夜溪水漲發屋宇盡沒惟遺銀鐺獨存其後有病疫者以銀鐺繫之立起

臨安府志

闕廷選通海人學長生術居秀山數年有所得康熙辛未以方士召

見尋歸逍遙溪山能預知未來事

臨安府志

張紫霞楚人人嘗呼爲老道長軀幹濃眉覆目虬髯如銀望之宛畫
圖中人年七十餘來蒙自見東街文昌宮額有紫府飛霞字遂居之
宮故無門老道以棘爲之室無丹竈藥瓢朝夕炊一錫盂中不以釜
有米則煮食無則煮菜根瓜藤終日望雲夜不假寐且少言動叩以
元理亦不應但常言靈光一點如黍米能遮天映地人有所遺即散
濟貧困蓋十六年於茲矣一日有餽以米者卻云不事此隨示永寂
期人方訝之至期果端坐而化

蒙自
縣志

李金階字建白諸生有異質目光射人篤孝嗜學精於易親歿蕭然
有出塵志避跡深山一日有道士求濟金階以鹽與之既去鹽復在
故處追之不及歸而漸狂或長臥經月不食或一餐斗粟不飽雪中
赤身臥石上久之遂能前知言多奇中城南石洞有伏蟒傷人金階